



Case
FRC
19862

DOULÉENCOS DES PAYSANS.

Coumo Arlequin le péraflar ,
En rizén , dify la bertar.

*LAS très - humblos & très - respectuoufos
Remountrances de J A C O U M A R T ,
Sendic des Paurés Paysans del' Lauraguès.*

N OSTRÉ bon REY , dount la sageffo ,
D'al milhiou cor qu'ajé existat ,
Bol , abey , de nostro bassello
Remedia la paurétat ,
Avés dit , per aquel affayré ,
Qué cad'un counté fas doulous ,
É nou ya fil de bouno mayré
Qué n'ajé fayt le soufrétous.
Pel' fégur , ne diran quasqu'unos ,
É brabomén gazouillaran

A

Sur las publics infourtunos ;
 Més crésen que debrembaran
 De rappourta las pus coumunos :
 Se parlon d'el pauré Payfan ,
 Aco nou fera qu'én passan.

Nous-aus , dins aquélo pensado ,
 Abén tengut uno Assemblado :
 Éren aquí , per de bouyffous ,
 Cad'un poutabo fas rasous :
 L'un disyo ayço , l'autré le resto ;
 Certens abion prou bouno testo ,
 Més nostré pus grand émbarras
 Ero que cap nou sabio pas
 Couffi marga nostros pensados ,
 Per qué fousqueffon escoutados.
 Per déméla d'aquets affas
 Nostro testo n'es pas lettrudo ,
 Ni nostro lenguo pla pendudo :
 D'al tens que toutis n'enratjan ,
 Passo praquis un biel Sarjan ,
 Qué per hazart es hounest'homé :
 Bitomen toutis le cridan ,
 (Sapiats que s'ap'é'o *Prud'homé* ,
 A may certos es pla noummat ,
 Degus nou ba may méritat.)
 Aquest'oubrié se mesfizabo
 De tant de moundé attroupelat :
 Al loc d'abança reculabo ;
 Crézy que nous aurio éscapat ,
 Més un cad'un tant y cridabo
 » *Beni qué seras pla pagat* , »
 Qu'alaro aquel caddet se biro ,

É sul' papié qu'a māscarat
 El ba nous a tout arrenгат.
 Praquel mouyen bous faurets , SIRO,
 Qué nous-aus , las pauros géns,
 Ne fian de tous les pus souffréns ;
 De fet , se bezias la misero
 Qué nous accablo & nous oubéro ,
 Bostre cor ne ferio nabrat.
 Qué le bounhur , bey , fus la terro
 Se trobo pla mal séparat !
 De qué depen que la ritchessó ,
 Le poudé , las haunous , les bés ,
 Se biron bès la Gentillessó ,
 Tout d'un coustат , de l'autre rés ?
 A qué serbis dounc tant de biando ?
 Per - mo - fés tout aquélo bando
 Cal que ne siago pla gourmando ;
 Per un homé ne cal pas tant !
 Bertat és , qu'én sottos despenços ,
 En bautchés * , en dibertiffenços ,
 N'énplouyarion cent cops autant.
 Quantis gnia qu'auran un armado
 D'aquets baylets affeniantits ,
 Qué la cazaquo bigarrado
 Rand d'ybrougnos & de bandits.
 Quand de chabals , & quand de gouffés
 Blans , negrés , pétassats & rouffés ;
 Pel' ségur per lour fa accaba
 De brabosournados de pa ,
 É le paure d'abant lour porto ,
 Perdut de freit , déguénillat ,
 Amb'uno caro miéjo morto ,

*(folies)

(4)

Nou lour fa pas cap de piétat !
Encaro piri lours fennassos ,
Las bezets coumo de bauchassos , * *(folles)
Presqué toutjour se mirailla ,
Saboun pas couffi s'habilla ;
Ellos courron deçà , delà ,
Uniquomen per se fa beyré ,
É per attira les galans ;
Ramassoun tous , pétits é grans ,
É cépendant , poudets au creyré ,
Se lour marit bol diré , un mot ,
Le bous tratton coum'un marmot :
Certens Marits prénoun patienco ,
Coumo souben cal toutis fa ;
Bous benoun fans cap de counscienco ;
Parmi nous autrés se refa :
É s'aben la fenno poulido ,
Elys gueytoun quand noun anan ;
Les Libertins ! d'abort y ban :
Jo-pardy ! sabés ço quarribo
Se calqué cop les y attrapan ,
D'uno griffoulouzo (1) embrouzido
Rudomen les escumenjan *. *(excommunier, chasser.)
Cadun ço sieu es nostre temo ,
Nous-aus d'ailleurs , fian prou en même ,
Acos pas aqui l'embarras ;
Car per aquo nou manquan pas.
Beleou abès dins la pensado ,

(1) Griffoulouso , de grifoul , qui veut dire houx , sorte de bois très-propre à donner la bastonnade.

Qu'aquelo raço escalfurado
 Bous diourio fâ forço maynado ;
 Més aço nés pas le lour but :
 Elys portoun lour abareffo
 Jusquos as fruits de lour tendresso ,
 Le pus ritché n'a pas agut
 Souben rés qu'un , coumo l'Coucuc.
 Nous-aus aben d'autros gazaillos ;
 Se beziés les nostrés droullats * , *(*Enfans*)
 Praquis altour de las muraillos ,
 Sembloun nifal d'hiroundelats ;
 Ririas , elys se dibertiffoun ,
 Ban , benoun , courroun , se seguiffoun ,
 Descauffats coumo de loubats ,
 Las camizos descourdurados ,
 Las bestos toutos esquiffados ,
 È las cauffos embrindoulados ;
 Passé d'aquo , saben pla prou
 Qu'un pauré homé es pas un Barou :
 Més à là fi de la journado ,
 Sian aqui touto l'houstalado ,
 Le pus souben quan cal soupa ,
 Nous atrouban san car ni pa :
 Qualqué cop l'aureillo abayffado ,
 Et la mino descouncertado ,
 Noun'anan préga le bezy ,
 Que per nous para d'abaûty , * *(*s'évanouir de besoin*)
 Nous fasco part de sa pitanço :
 Basté que le ritchas sadoul ,
 Qué s'és bourrat la pleno panço ,
 Et qu'és rullé coum'un pèzoul ,
 A jés , en sé léban de tauilo ,

Per nous qualqu'hounesto paraulo :
 Mais nous dira » soutu couquein , »
 » Tu ès un fénian , tu ne fés rien »
 » Je te faut comme la canaille , »
 » Créber sur un fagot de paille. »
 An'aquel ta rudé perpaux ,
 Qué bouléts qué l'on endébengo ?
 G'ny aurio qué certos , Diou me prengo ?
 Per acaba de beni baux : * **(perdre la tête)**
 An tort de nous fa aquel reprotché ,
 Car (jamay d'ayci nou me botché ,)
 Cal lour fa rapourta lés bés ?
 An elys , que nou fan pas rés ?...
 N'autrés. -- Nous coupan las esquinos ,
 Per lour travailla cams & bignos ;
 Més le Mouffu n'ès pas mal fi ,
 Se gardo per el lé boun by ,
 Et per nous autrés la binado ,
 Amay dé la pus azagado ,
 Et manjo lés bounis boucis ,
 Et nous-autrés paürés rouffis ,
 Qué tout lé jour prenén pla péno ,
 N'abén ni brocho ni padéno ,
 Trouban quan bénén del trabal ,
 De pa tout sec , amb'un gra d'al.
 Dins lé cours d'uno paür'annado ,
 Basté qué nous pourteffen pla ,
 Et qu'ajessen per travailla....
 Més pla soubén qualquo birado ,
 De mal-de-cap , ou dé fiebrado
 Pel coulét ben nous arrapa ,
 Tiran pla mal à n'escapa ;

Les Surgens & la Médécino
 Chés n'autrés n'an rés à grapa;
 N'abén ni bouillon , ni galino
 Per nous poudé recounfourta;
 Digus nou penso à ne pourta :
 Les Curés même qu'en Cadiero
 Pretchon ta pla la caritat,
 Et vous remostroun la maniero
 De soulatgea la pauretat,
 Fort raromen nous secourissoun;
 Quasqu'uns s'en trobo , mès soun clars;
 Lé pus grand noumbré accoumoulissoun
 L'or & l'argén de toutos parts
 Per le proufit de lour famillos,
 An dé néboudos prou gentillos,
 E penson à las establi,
 Es bé pla bou qu'aquelos fillos
 Certos ne fascon uno fi,
 Soubén ba cal; mès la justisso
 Bol pas que le pauré fournisso
 Tout à fet à certenos gènes,
 Mouyen de trinfla * à sous despéns : *(briller)
 Tabé le Cel, qué né coundamno
 Aquelos gènes tant imprudéns,
 Permét que lour bé de Campano,
 Jamay nou flouris, ni nou grano.
 Quant as Abesqués & Abbats
 Qué portoun la Mitro & la Croffo;
 Les bezén jamay qu'en carroffo;
 Son de nous-aus tant escartats!
 Jamay nous an pas regardats
 Per estré fils del memo pero;

Pensoun pas à nostro misero.

Digaymé ç'acos pla l'esprit.

Qué nostré Seigné Jesus-Christ

Lour dounec én estan sur terro ?

.

Anfin nous caldrio bé parla

D'uno certeno pauro raço. . .

N'és ni masti, ni gous de casso ;

Sabén pas coussi l'apéla

Tiraren mal as establa ;

Les grossés gouffés les mourdissoun ;

Les boloun pas layssa mescla ,

Digas-lour de s'atroupéla

D'ambés petits, les bous fugissoun ;

Ne boulon pas auzy parla :

Un Boulur qu'a scapat la cordo ,

Que le tenio miech escanat ,

Ambé mens d'hounto se recordo

D'al Bourreou , quant és mentiounat ;

Qu'un *Gentillastre* , à raço escûro ,

Se bol soubény de routuro ,

Quand dal miech d'elo a defartat :

Layssen lour esprit dins las nûos ,

Boulatéja coumo de gruos ,

Et nous autrés, per ayci bas ,

Ajen souen de nostrés affas.

Déja bezy qué de la Taillo ,

Le Coulettou bol de mitraillo ;

Nous a mandat la Garnisou ,

Sans escouta cap de rasou ,

Et nou bol pas may nous attendre ;

Aben bé bel y fayré entendre ;
 Qué fian senfe cap de dinié ;
 Més sauréts qu'és un Penchegnié * *(Griyois.)
 Qu'escouto , aco coumo un troumpéto ,
 Et nous prén , payrol , escalféto ,
 Padéno , grillo & le métal ,
 Tout ba nous sourtis de l'oustal.
 May , pla soubén , abé prou péno
 De se benja d'aquélo aubéno ,
 Car bésen qué , quand y a pas rés ,
 Le Réy mémós y pert sous drets.

De tant rasouna aquéts affayrés ,
 Qualqu'un béndra nous brédouilla ;
 Que les Payfans fién de parlayrés
 Cal quicom per nous counsoula ,
 Alméns qué nous layssoun parla ,
 Sur-tout bey , que bostro bouno amo ,
 Grand Rey , bol counéyffé la tramo
 De toutos caufos nudomen ,
 Nous calarian paûrugomen ?
 Une causo nous rassiguro ,
 Nous fisán de bostro bountat ;
 Crégnen pas pus l'engénço escuro
 Que bous abio embirounat ,
 Ba tenion tout cambo-birat ;
 Un Ministre , plé de sageffo ,
 Dins pauc de tems agut l'adreffo
 De les bira d'al séménat ;
 D'aquéel affa , si Dius y'ajudo ,
 Coumo ba nous cal espéra ,
 Nostre boun Réy , ne jouira
 D'uno grand'joyo , incounégudo ;

Qué cap de Rey n'a pas agudo ,
 Beyra la bertat touto nudo :
 Més soun plasé fera troublat
 Quand beyra tant de pauretat.
 Que fa pourtant ? ba y cal dire ,
 Per aï qué nous aou rébiré ,
 El n'és pas caouso del passat ;
 Quant sul Trôné fousquét plaçat ,
 Ne troubéc pla de mal cardat.
 N'autrés dounc , per y fayré atteigné ;
 Ammél secours de nostré Seigné
 Nostré papié mal grifounat ,
 (D'aco cal pas estré estounat ,
 N'abén dégus que nous enseigné.)
 Toutis pla d'un coumun accort ,
 Abén noummat *Jacqués Delhort* ;
 Per tout se dits qu'a l'esprit fort ,
 Et per aco le cal pas féblé ;
 Én effet , le siou à boun réblé ,
 A may couneys lés mal trimblats ,
 Et d'abort que les a trou bats ,
 Sio debés autho ou debés bifo
 Coumo s'albrés de la mestriso ,
 Amb'un martel lés ten marquats.
 Aquel ta grabé persounatgé ,
 Leoumens* , l'apélon Jacoumart , (1)* (*ordinairement.*)

(1) On fait ici allusion à une vieille figure de bois , qui se voit
 sur la porte de l'Eglise de Lavaur & qu'on appelle *Jacoumart* ,
 on dit communément dans le pays , de quelqu'un qui a la cer-
 velle mal organisée : *és toucat de Jacoumart.*

Per qué sapiats tout nostr'oubratgé ;
 Yaben proumés dins soun bouyatgé ;
 Per cado jour , un sôout de lard ;
 Siés ardits d'al , dus de froumatgé ;
 De bi , tres pintos mens un quart ;
 De pa , s'en jauto pas de gayré ,
 Acos tout ço qué poudén fayre ;
 Amay , certos , nous escourjan ,
 Nous à calgut paga l' Sarjan ;
 Car bous diren que le Compayré ;
 A boulgut pago d'aban ma ,
 Nous à calgut tous y coumplayré ;
 Per ba y poudé fa lima .

SIRO , dins nostros escrituros ,
 Beyrés que caufos plas ségueros ,
 Et bous que fiés franc coumo l'or ;
 Aco bous crébara le cor .
 Més abén la fermo espérango ,
 Qu'al proufit de touto la Franço ;
 L'assemblado * travaillara :* (*les Etats Généraux.*)
 Tout , pél' milhiou , b'arregara ;
 Randra lés ritchés pûs audouzés* . * (*compatissans.*)
 Les Abesqués mens glouriouzés ,
 Les Canoungés méns pareffouzés ,
 E les Curés pus almouynouzés .
 Quant pés grossés travaillaren ,
 Nous pagaran nostro journado ;
 (L'abén soubén may que gagnado ,)
 Et quant humblomen y'anirén ,
 Per l'our demanda nostré argén ,
 Parlaran pas de bastounado .

(12)

A fi de conté, bous disén,
 SIRO, qué per nostré abantagé,
 Dious bénazisco bostré oubratgé,
 Et bous douné, coumo boulén,
 Glorio, bounhur, salut. Amen.

F. I.